

LA QUOTIDIANA

FMR Fundaziun Medias Rumantschas, Via da Masans 2, 7000 Cuiru, 081 544 89 11, redacziun@fmr.ch



Il Chantun è cuntent cun las cifras da la chatscha
In'emprima evaluaziun mussa: var 3500 tschierivs èn vegnids sajettads durant il settember. **Pagina 2**



Nouva guida maina tras Scuol
Beatrice Trog è oriunda da Basilea. Ella abita dapi quatter ons a Scuol e maina uss ils giasts tras Scuol. **Pagina 7**

— FMR FUNDAZIUN
| MEDIAS
RUMANTSCHAS
 **südostschweiz**

LECTURA RUMANTSCHA



SANDRO BUCHLI/FMR

Tge fa bain a tai, cura ch'i fa puspè pli fraid? Èsi ina chanzun chanta-dad in chor viril? In musical «made in Danis-Tavanasa»? Ni tiras ti simplamain en in chaud pullover da launa?

Cun ina bella frisura da Nicola
«Zac!» – ina nova frisura, in nov sentiment da vita! Tgisà, uschia èn forsà las nursas da Savognin sa sentidas «tar il coiffeur» questa fin d'emna. A la «Tundeida» a Savognin èn ellas stadas ils stars, che han attirà tut l'attenziun dals radund 2500 visitaders e visitadras. Il tundader-coiffeur Nicola da Mesocco ha lavurà cun ina calma admirabla, ed en circa diesch minutas era mintga nursa deliberada da sia launa chauda. **Pagina 8**



Las nursas han spetgà vess sin in termin tar il coiffeur da la Val Mesauca. FOTO GION NUTEGN STIGIER

Drama pur a Danis-Tavanasa
Per ils Engles è il «stonehenge» in lieu magic e cun blera forza, per ils Peruans èsi il «macchu picchu». E per ils da Danis-Tavanasa? Exact, il Plaun Salter! Sin quest prà mistic datiers da Danis ha il musicist Armin Caduff (foto) chattà l'inspiraziun per ses nov musical, che ha festivà sia premiera la sonda vargada. En l'istorgia dal toc vules in politicher local vender il Plaun Salter ed il prer laschar bajegiar ina nova baselgia cun quests daners, mo la resistenza in il vitg cunter quest'intenziun è gronda. **Pagina 6**



En furma sco in ballapedist da 25 onns: il dirigent Armin Caduff. FOTO RTR

La chanzun rumantscha a Vella
Cumponer, diriger, chantar e premiar – quai è stà il Festival da la Chanzun Rumantscha 2025. Suenten l'ediziun d'avant trais onns a Zuoz è la scena dal chant rumantsch sa messa sin via en Val Lumnezia. E durant trais dis han chantaduras e chantadurs rumantschs «mess sut-su» Vella, en il bun senn. Ni sco ch'il capo-organisatur e dirigent Clau Scherrer ha ditg envers la redacziun: «Igl ei stau in'atmosfera che ha bunamein fatg alzar il tetg dalla halla a Vella.» **Paginas 3 e 5**

Buna lectura e lascha il tetg sin chasa – igl è in pau fraid.



FOTO HANS HUONDER

La Surselva ha cantau e saltau

La fin d'jamna passada ei stada ell'enzenza dalla cultura en Surselva. A Vella ha giu liug il tierz Festival da la chanzun rumantscha ed en casa da scola a Danis-Tavanasa ei la premiera dil musical Plaun Salter stada da veser la sonda sera. Fertion ch'il festival ha tschercau novas cumposiziuns da cant romontschas, ha il musical menau il publicum en in liug magic e plein tensiun. (fmr/hh) **Paginas 3, 5 e 6**



FOTO HANS HUONDER



10041

Servetsch d'abunents e da
distribuziun: tel. 0844 226 226
mail: abo@somedia.ch